

ԳԱՌՆԻԿ ԻՍԱԳՈՒԼԵԱՆԻ ԵՆՈՅԹԸ ԽՈՐՀՐԴԱՐԱՆՈՒՄ

Յունիսի 5ին Հայաստանի Հանրապետության Գերագոյն Խորհրդում ելոյթ ունեցաւ պատգամաւոր Գաւնիկ Իսագուլեանը: Ստորեւ տալիս ենք նրա խոսքը.

Ինչ է արում եւ ինչ պէտք է արուի: Բաւականին լուրջ հարցեր են այսօր քննարկում, բայց ես ի սկզբանէ այն կարծիքին էի, որ նախ եւ առաջ պէտք է լսուի երկու նախագահների ելոյթները, որովհետեւ վերջ ի վերջոյ ոչ թէ մենք պէտք է տայինք այն ծրագրերը, որոնց շուրջ իրենք յետոյ պէտք է խօսէին, այլ պէտք է լինէին ծրագրեր, որոնց շուրջ յետոյ մենք կ'ասէինք մեր դատողութիւնները եւ դիտողութիւնները, եւ վերջնական կը ստեղծուեր ինչ-որ ծրագիր: Բայց այդպէս չէ: Եւ, ինչքան էլ զարմանալի է, շատերը այստեղ փորձում են այն միտքը առաջ տանել, որ նախ եւ առաջ պէտք է լսել տարբեր կազմակերպութիւնների, կուսակցութիւնների, որոնք ինչ-որ ծրագրեր պէտք է առաջադրեն: Ինձ թում է, որ դա բոլորովին էլ այդպէս չէ: Ես փորձեցի ընկալել ինչ-որ բան եւ ինքս էլ բան առաջարկել, բայց զգացի, որ դա բաւականին բարդ է:

Երեւի կայ ինչ-որ պատրաստի բան, որը վերջում կը ներկայաց-

ւի որպէս մի ընդհանուր ծրագիր, որը բխում է մեր ելոյթներից: Եթէ երկու կամ երեք տարի առաջ որեւէ հարց մեզ համար միևնույն ծրագիր էր եւ ընդունելի չէր, այսօր դա իշխանութիւն ներկայացնող կազմակերպութեան կողմից ներկայացում է որպէս մաքսիմում ծրագիր: Սա նոյնպէս սարսափելի է: Եւ պէտք է հասկանալ, որ եւ արտաքին, եւ ներքին քաղաքականութեան մէջ հիմնականն Արցախի հարցն է: Եթէ չլինէր Արցախը, այս երկու քաղաքականութիւններն էլ կարող էին տարուել շատ լաւ: Բայց կայ մի խանգարող հանգամանք՝ Արցախը: Դրա համար ես կ'ուզենայի ուղղակի երեք բառով բնութագրել իրավիճակը: Արտաքին քաղաքականութեան մէջ մենք ուղղակի խաբուելու քաղաքականութիւն ենք վարում: Ներքին քաղաքականութեան մէջ տանում ենք խաբելու քաղաքականութիւն: Իսկ Արցախի հարցում, ուղղակի անճարակութիւն ենք ցուցաբերում: Ես հիմա առաջարկում եմ արտաքին քաղաքականութեան մէջ որդեգրել շխաբուելու քաղաքականութիւնը, ներքին քաղաքականութեան մէջ՝ շխաբելու քաղաքականութիւնը, իսկ Արցախի հարցում՝ ձեռնարկել կոնկրետ միջոցառումներ: